

# ARUBA ANSE COURANT



Diario



pa Aruba

DRINK ALWAYS  
**ORANGE CRUSH**  
from  
Tropical Bottling Co.  
call: 1773

Instala aireacondi-  
cionado na Bo-  
cas AWOR!



tel. 2170

ANJA 21

DIAMARS 12 JANUARI 1960

Nr. 3633

## MERCEDES-BENZ 1960



No solamente cu bo ta sinti bo un otro hende  
sino bo TA un otro hende tras di stuur di un  
**MERCEDES-BENZ 220**

\* **AWOR** Abo tambe  
por hanja un auto real!

\* Bini bo mes bin tira un vista  
den nos showroom.

Dealers:

Handelmij. **KUSTERS** Aruba N.V.

NASSAUSTRAT

ORANJESTAD

### Salida di su alteza Prins Bernhard foi Schiphol pa Mexico

Schiphol 11 jan. — Ajera nochi Prins Bernhard a sali for di Hulanda pa Mexico.

Reina Juliana y Prinses Beatrix a acompaña e Prins na Schiphol. E ta cuminsa su di 4 bishita na Mexico. e biaha aki riba invitacion di gobierno mexicano.

Reina Juliana y Prinses Beatrix a tuma despedida dje Prins den e han-

gar y nan a desca Prins Bernhard "bon biaha".

Ora cu sneeuw ta cai e pasaheronan sa drenta e avion den e hangar y e carga ta worde buta den e avion, mientras cu e ta den hangar tambe. Si sneeuw pega na alanan dje avion,

su perfil ta cambia y esey por causa dificultad ora cu e mester start.

E Prins lo bishita presidente Adolfo Lopez Mateos di Mexico. Lo e entrega e presidente mexicano un ecddecoracion hulandes. Prins Bernhard lo pasa como 10 dia na Mexico. Lo e bishita entre otro Cuernavaca, un lugar di turista parti sur dje capital, Taxco, centro dje produccion di plata y al fin e Prins lo pasa algun dia na e lugar di banja Acapulco, prome cu e bai Aruba y despues Corsou. Dia 25 di januari e prins lo yega Schiphol bek.

#### DIRECTIVA DI L.E.C.

SAN NICOLAS — Dia 6 di januari u.p. e directiva pa 1960 di Lago Employee Council a worde nombra. Tur tres e personanan a ser reelih: J. H. Ruffeld, como presidente. E. E. Tromp como vice-presidente y G. Giel den su puesto como secretario. Ta bon pa recorda esaki ken sa ki dia bo mester di L.E.C....

#### FUNDACION DI "ARUBAANSE MIJNBOW MAATSCHAPPIJ"

ORANJESTAD — Ayera tardi na Bestuurskantoor, den presensia di Su Excelencia di Finanzas y Prosperidad, Juancho Yrausquin, e Gezaghebber di territorio Insular Aruba F. J. C. Beaulon, senjores deputadonan O. S. Henriquez, E. O. Petrona, I. de Cuba y F. Wernet, e Wnd. Hoofd di Bureau Weivaartzorg Jossy Tromp y hefe di afdeling Financien R. van Hoorn, e actanan a worde pasa pa wnd. Notaris M. J. M. Heufke pa fundacion di "ARUBAANSE EXPLORATIE EN MIJNBOW MAATSCHAPPIJ N.V."

E N.V. aki tin como obheto pa explora mineralnan cu tin na Aruba, comercio y etahora e mineralnan, y tumbé pa tuma parti den otro empresanan similar.

Kapital maatschappelijk dje N.V. ta f 1.500.000.— (500 uceion na portador

di f 1.000.—) na eual durante e fundacion f 300.000 tabata deposita. Land a participa cu f 1000.— y Eilandgebied Aruba cu f 299.000.—.

Directiva dje N.V. ta forma pa tres director, esta: Senjor F. J. Tromp, wnd. hoofd Weivaartzorg, president-director N. Schuit, hefe di Dienst Openbare Werken, director, onder toezicht di un Raad di Comisionan, eual ta forma door di siguiente personanan: Senjor J. E. Yrausquin, President-commissaris, sr. O. S. Henriquez, Commissaris, a ta ves President-commissaris interino.

Comisionan: senjores I. S. de Cuba, E. O. Petrona, F. Wernet.

#### ARMSTRONG TA BIN TOCA NA ARUBA!!!

ORANJESTAD — Di fuente bon informa na Seroc Colorado nos a worde informa cu Louis "Satchmo" Armstrong, un dje trompetistanan di mas famoso den mundo di jazz, pronto lo bini Aruba. E lo gana su debut den Esso Club y despues lo toca den Lago Sport Park.

#### Puntra Polis

##### Chofernan bau influencia

Diasabra atardi polisnan mester a stop J.S.B. cu tabata stuur e auto A-96861 y nan ta hanja cu no ta responsabel pa laga e persona sigui stuur. Polisnan a keda cu e auto y B. a hanja un boet. Tambe den atochi di diadomingo pa dialuna nan a stop un chofier di pickup A-5139. E procedura tabata igual. Un anochi prome tabata C.T. kende mester a sultri e mes un consecuencia pa motibu cu e tabata zwaai riba caminda cu su auto A-1437.

##### Po tur bo aseguranon FATUM — Tel.: 1845

##### Bishita

E persona V.Z. diasabra atardi a bin busca yudanza di polisnan contra F.E.M. kende na su eas tabata basi desorden. Ora cu polisnan a yega na e lugar endica esaki no tabatin nada mas completo. Por lo pronto M. kende tabata bau influencia di bebida a worde deteni.



Durante un raad particular di husticia den Prome Instancia na Oranjestad, nan a tuma despedida di mr. J. J. M. van Gent, huez na Aruba. Riba e portret aki nos ta mira e momento ora e griffier mr. Jan Eleonora tabata na palabra.

Mr. Van Gent ta duna conseho durante despedida:

### Anulacion di rijbewijs y examen di nobo pa chofernan cu ta descuida e reglanan di trafico

Officier ta constata cu e criminalidad hubenil dia pa dia ta bira mas hopi

ORANJESTAD — Dialuna mainta, dia 14 di december anja pasa, durante un raad particular di Husticia den Prome Instancia na Aruba, nan a tuma despedida di e Huez, mr. J. J. M. van Gent, kende su detachering a termina na Aruba y lo cotinua su trabau awor na Corsow. Por a nota cu na e raad aki nan a muestra sincera cordialidad y gran aprecio pa e huez conoci aki y tambe e oradonan a muestra nan preocupacion pa e alarmante accidentenan di trafico, estado di embriaguez, crimen di e hubentud y mal uso di alcohol, cu dia pa dia ta bira mas hopi.

Tras die mesa berde tabata sinta e biaha aki, un reunion grand, esta e officier mr. F. C. Fliet, ambtenaar di O.M. sr. S. H. J. Tjon Ajong, griffier P. Sisebeck, e huez nobo mr. I. P. Bondam; e huez cu ta bai, mr. Van Gent; e huez substituto mr. J. C. Stenfort Kroes; griffier I. Mohammed; griffier substituto, srta. T. H. Palm y Hefe di Griffie na Aruba y Corsow, mr. Jan

Eleonora. Den e reunion na e otro banda nos por a mira tambe Bestuurscollege completo, tur e abogadonan, e notarianan F. E. J. Thijssen y mr. C. W. J. J. Heufke, tur e oficialnan di e cuerpo di polis na Aruba, Pastoor J. Burge-meester O.P. y ds. J. Visser na number di clero, tambe secretario di Voogdijraad, mr. F. Hartong, Major di e Marinieran G. G. Giesberts, e psichiater

di husticia, dr. Blom, ir. E. J. Prins di Kadaster, senjor S. N. Feury y practicamente henter e otro parti di parket y griffie y hopi mas hende.

Algun cifranan marcante  
Masha interesante tabata e discurso di mr. Fliet, kende despues di a gradici pa e agradable colaboracion a bisa:

Pa motibu di hopi trabau y falta di espacio den nos corant durante fin di anja, e relato aki a keda pendiente te awor. Sinembargo e observacionnan basi den e articulo aki ta tantu interesante, cu apesar di ta laat nos a optima di publikate toch pa nos lectornan, sabiendo cu nan lo aprecia esaki.

„Den e anjanan, cu nos a octupa nos cu e bon y malo di e comunidad Arubano, tabata e malo cu a prevalece mas parti. No tanto, pasobra e comunidad tabata asina malo, pero pasobra ya cu

E ta sigui pag. 3

#### Declaracion di subministro Dillon prome di a bai Paris

Washington 11 jan. — E subministro Mericano di asuntonan exterior, Douglas Dillon, a declara ajera nochi net prome cu el a bai Paris, na unda lo tin discusionnan economico e siman aki, cu ta spera, cu e paisnan occidental lo hanja mas manera pa colabore, pa aumenta comercio mundial y stimula ayudo na e paisnan menos desarrola.

E prome conferencia, cu lo tuma lugar dia 12 y dia 13 di januari ta trata di ayudo na paisnan menos desarrola y problemanan comercial dje comunidad economico europeo y e zona europeo di comercio liber. Dillon a bisa cu e problemanan aki ta dificil. El a bisa cu e no ta spera cu nan lo por worde soluciona na e conferencia. El a bisa cu ningun decision lo

no worde tuma cu ta loca otro pais, sin consulta e paisnan ey prome. Merca kier garantia, cu e comunidad economico europeo y e zona europeo di comercio liber lo no practica discriminacion contra paisnan cu no ta miembro dje organizacionnan ey.

Dia 14 di januari e 18 paisnan miembro dje organizacion pa colabore economico europeo lo reuni pa discuti problemanan economico. Merca y Canada lo atende e discusionnan como miembronan asociado.

#### Palabranan serio di Adenauer respecto e situacion actual

BERLIN, 11 januari. — Tur resistencia contra e atakanan riba libertad cu oriente ta comete, lo ta en vano sin ayudo dje potencionnan occidental y particularmente di Merca, asina Adenauer a declara den eama di representantenan di Berlin occidental, cu a reuni gen un sesion extraordinario na ocasion di su bishita.

E canceller tabata di opinion, cu tur proposicion cu a worde haci durante e conferencia fracasada di asuntonan exterior na Ginebra, ta invalido awor. El a bisa cu no ta posible pa cuminsa tur cos di nobo, na unda nan a keda para biaha pasa.

#### China Comunista por lanza un satellite otro anja?

WASHINGTON, 11 januari. — Circulonan bon informa mericano ta tene cuenta seriamente cu e posibilidad, cu China Comunista lo por lanza un satellite otro anja. Nan ta muestra cu China Comunista y Rusia a firma un acuerdo pa colaboracion tecnico. Pero e progreso cu e chinezan comunista a haci ta pone, cu aki uno di dos anja nan lo por lanza un satellite sin mas ayudo di Rusia.

# DRINK

# MORE

# KIST

now available in more different flavours than ever: Pineapple, kola champagne, orange, lemon lime

Victoria Bottling Co.

Phone 5192





**Kende ta laga di tin problemas?**  
Tur dia nos ta experimienta esaki: hobennan riba terreno di amor, school deporte y na cas cu nan mayornan, mayornan cu educacion di nan jiu nan, relacion entre exposo cu nan senjora, quehaceres di nan nias, relacion cu bisinia y familia.

Como Rosemary sabi cuanto problemas ta molestia un of otro persona, e la pone su nias na disposicion na tur dianan y duna consejo gratis riba e diferente problemanan cu bo por confiele den nos corant. Man ta bo carta pa "Arubaanse Courant" Nassaustraat 55 v scribi den un hoeki di e enveloppe bou cu "Correo Confidencial". Si en caso bo problema ta pa panel y pa ser contesta den nos corant, auto bo por ta asina bon di inclui den e enveloppe otro envato concerni algo mucho personal di lopper cu bo adres riba dje y stampia y, e ora bo ta hanja un contesta personalmente.

Rosemary ta dispuesta na ynlabot

cu e muher aki ta yea di astucia i meufira.

E jiu por a muri of e muher por a aborta sin cu esey tabata „crimen“. Por ta tambe cu el a provoca e aborto i por ta cu el a dispone di e jiu. Pero si bo libu algo na polis bo mester bin cu PRUEBA i no cu palabrá.

Mi consejo ta esaki: Bal papla cu e muher i bisele cu tur cos entre bosa dos a termina. Bisele cu si e trata na scribi paskin, etc. etc. of cualkier otro cos por estilo, bo ta hiba e asunto na polis i bo ta relata aya na polis tur otro asunto tambe.

Maske enato e scribi bo, zandra, brinca: Na hai mas cerca dje. E muher ey no hal mucho cas. E ta ganja su esposo, ganja uha tambe.

Awor e di dos consejo ta difisil, mi amon. Pero, segun mi, e ta necesario.

Bisa e muher muher cu bo ta stima awor, cu antes bo tabatin un relacion cu un muher casa, (bo no tin mester di canja mas cas, solamente bisele esey) i en e muher ey ta bo enemiga i ta trata pa tur manera pa haci bo infelz. P'esey si e muher muher ta stima bo heraderamente, auto e no ta paga tino na nada cu e muher-enemiga por haci, bisa a scribi.

Trata e muher aki hon i keda fiel n'ele pa e mira cu bo tin bon humentad i bon carater.

Mi ta spera cu tur cos lo drecha e anja aki pa bo. Pero para firme i NO bai mas cerca e muher aya. Ta pa hon ni ta consela bo esaki!

Bu amiga, Rosemarie

**Cien Anja Pasa**

Awe, 12 di januari ta cien anja cu Martinus Joannes Niewindt, apostolico Vicario di Willemstad a muri na edad di 63 anja. 17 di Mei 1796, un diamars, 12'or y mei anochi a nace na Amsterdam Martinus J. Niewindt. E mesun dia pa 10'or y mei e baby ta worde batisa den misa „De Star“.

Dia 26 di mei 1808 e la hasi su Prome Santa Comunian y a bai studia na un gymnasium na Amsterdam, na unda e la resulta un discipulo brillante cu a gana masha hopi premio. Despues di Paasvacantie di 1815 e la drenta den groot seminarie di Warmand pa sinja pa pastoor.

Na Munster na Westfalen 13 di juli 1819 e la ricibi e ordenamiento di sacerdote.

Dia 27 di augustus a bordo di e barcu di bela „Zeemeeuw“ e la drenta den haf di Sta. Anna na Corsow.

Esakinan tabata algun datonan importante den historia di e gran Obispo den un otro edicion nos ta spera di bolbe cu resto di retallenan.

**STAMPJA SPECIAL**

MI amlo, durante e diez anja aki bo hida ta hopi complica. Awor ta yega e momento cu bo mester regla bo hida pa bo tambe por haya felicidad i tranquilidad. E muher ey tin mucho mentira i mucho astucia wel bo no tin siguranza tocante cuenta di „dispone di jiu“ etc.

Por ta cu el a haci asina, por ta tambe cu e ta ganja bo pa kita placa for di bo. Bo no tin prueba. Corda bon,

H.C.

**DEPARTEMENT VAN ONDERWIJS**

Examens voor de akten ENGELS, FRANS en HANDELS-KENNIS L.O. te houden in het jaar 1960 op Curacao en Aruba.

Schriftelijke aanmelding van kandidaten vóór 1 februari a.s. ten Departemente van Onderwijs, Curacao, onder overlegging van een uittreksel uit het geboortenregister of bewijs van inschrijving in het bevolkingsregister.

Het examengeld, hetwelk vanaf 1 april a.s. ten kantore van de Landsontvanger op Curacao of Aruba kan worden voldaan bedraagt voor elk van deze examens Fl. 40.—

N.B. Eenmaal betaalde examengelden worden niet teruggegeven (art. 243 lid 5 van het Onderwijsbesluit 1935 (P.B. 1935 no. 49) zoals gewijzigd en aangevuld).

**LEIDSCH E ONDERWIJSSTELLINGEN**


Wilhelmsplein 13, Willemstad

Bel 12640, dan hebt u binnen 24 uur gratis een uitvoerig prospectus



Como conmemoracion na e di cien aniversario di dia cu mgr. Niewindt a muri, posterijnan a saca tres stampia special den balonan di 10, 20 y 25 cent. Tur tres e stampianan ta reproduci un portret di e obispo.

**E reproduccion aki banda ta di un oracion cu a worde parti durante ceremonianan di entierro di mgr. Niewindt cien anja pasa. E oracion original ta den propiedad di señor S. N. Ecury na Aruba, kende a ricibi e lopi nija pasa di un tanta, kende a bisele cu tabata un documento excepcional. E lector atento lo ripara cu e estilo di scribi papiamentu ta diferente di loka nos ta scribi awor. Nota cu ta worde scribi NACER, na lugar di NACI. ORDENAR, na lugar di ORDENA. E palabran „anochi“ antes tabata worde scribi manera e tabata worde pronuncia „nochi“. Ta prueba di respeto cu e oracion aki a worde trata na papiamentu. P'esey ta prome anjanan cu pastoor Niewindt a yega Corsow, e tabata tene su predikashinan na papiamentu.**



**Waaik** (Mi queridonan), oraando kama doeranti unta i turdo anja me na a larga di spierta Boso di aia i di naita. Parabra Boso me cada kome mi a diba semper mai mei di Boso, kome mi na a mengi Boso cada kos por a scribi Boso di probeta i na me a predika i sinja Boso na ier tempo i kama i amor mi ta rekomenda Boso na Dios na ier momento gracia, hor por konverta Boso i doena Boso oca hontenid denter sor caridodnan.

**Me Dios!** korda di mi, y no loqaida e non scribi koe mi a bisele na Bo kas i na sor ceremonianan.


**Me Tata!** Trabai koe Bo a doña na a bisele, mi a komega komega a bisele.

**Años!** mi jinetan! Keda semper den di manio di Señor. Bienaventurado nam koe lo persevera den a bon (obra) koe naca a bisele Pa mi, mi ta bay cerca Dios. Mi ta rekomenda Boso tur na e santo S. Spirito di Aruba gracia.

**Me Roemannan!** Mi ta pide Boso toer pa nos Señor Hebe kanta i pa amar di Spiritu Santo, pa Boso jorda mi koe Boso oracion pa mi evika Dios.

**ORACION**

O Dios, koe dinter di sacerdotu Apostoloman a honra bo servidor Martinus koe dignidad Pontifical, haci, nos ta pide bo, koe el ta reunite tambe den nan kompania pa toer eternidad den reino di cielo. Amen.



**Mgr. Niewindt: Gran portador di cultura y preparador pa un emancipacion pacifico**



Esaki ta e estatua di mgr. Niewindt cu ta dilanti di misa pra-catedral di Santa Anna na Otrabanda, Corsow.

**Dennis, de schrik van de buurt!**



„Wel, mami, papi por mancha b'a tendel! Hasta bao di ijs i awa.“

**AVON COSMETICS**

„For the woman who loves nice things.“

**Krutschef a acepta invitacion di Nehru**

NUEVA DELHI, 11 januari. — Krutschef a acepta un invitacion di prome ministro Nehru di India, pa bishita Nueva Delhi durante prome mita di februario, prome cu e sigui su bishita na Djakarta, asina fuertecan oficial a informa.

**Senador Mansfield ta pidi gobierno Mericano pa protesta**

WASHINGTON, 11 januari. — Senador Mansfield (democratico) a pidi gobierno mericano pa protesta fuertemente contra e intencion di Rusia pa haci experimento cu raketa nuclear fuerte den centro di Pacifico.

E senador a declara den un telegram cu el a dirigi na e ministro mericano di asunto exterior, Herter, cu, si un protesta di Merca no tin resultado na Moscú, gobierno mericano mester tuma iniciativa pa un

asamblea especial di Nacionnan Uni, pa discuti e asunto. E ta di opinion tambe cu den un tal caso presidente Eisenhower mester reconsidera cu decision pa atende un conferencia supremo entre este y oeste.

Circulonan rond e delegacion mericano na Nacionnan Uni no tabata kier duna comentario definitivo ainda riba e paso di Mansfield, sperando un reaccion di ministro Herter. E circulonan aki a declara si como prome impresion, cu ta posible cu lo ja dificil pa hanja motibu pa consejo di seguridad of asamblea general discuti e plan ruso.

**AVON FOR MEN**

Deodorants

**Caso di Chessman rechaza trobe pa Corte Supremo Mericano**

WASHINGTON, 11 januari. — Corte Supremo mericano a nega di studia caso di Caryl Chessman atrobe. Chessman a worde condena pa castigo di pena di morto na 1948, riba acusacion di a comete un serie di crimen y el a hira famoso door dje manera, na cual el a organiza su

defensa den corte personalmente y door di algun buki cu el a scribi over di su hida den prison.

Dia 14 di december Corte Supremo a rechaza un peticion di Chessman, kende a bisa cu un error, comete den e proces ta destrui validez dje proces. Despues dje rechazo ey corte di Los Angeles a determina eheucion di Chessman pa dia 19 di februar dje anja aki. Tabata di 8 bisha cu un corte ta buta un fecha pa eheucion di Chessman. Chessman a dirigi un peticion mas na corte pa e rechaza su decision di dia 14 di december, y awor corte ta declara cu e ta mantene su decision.

**AVON COSMETICS**


Obtainable in leading stores

**Un trein a corre sali foi rails na Birma**

DANGOON, 11 januari. — Ajera un trein a corre riba un mina entre Moulein y Rangoon, Birma. E mina a worde buta pa e rebeldenan „Karen“, 13 persona, entre cual 3 poliz, a muri den e explosion y e lucha cu a sigui cu e rebeldenan. E incidentente a socede na como 190 km parti oriental di Rangoon.

**AVON COSMETICS**

Obtainable in leading stores



**SERVING ARUBA FAITHFULLY AND UNINTERRUPTEDLY FOR MORE THAN THIRTY YEARS WITH A CENTURY OF EXPERIENCE TO BACK IT UP.**

Fast and regular freight services with modern vessels with limited passenger accommodations:

WEEKLY: from Europe & U.S. Atlantic Ports  
 FORTNIGHTLY: from U.S. Gulf Ports  
 FOUR WEEKLY: to and from Europe and Caribbean Isles by the fast and modern motorvessels „ORANJE NASSAU“ and „PRINS DER NEDERLANDEN“.

**Schedule of arrivals/departures at/from Oranjestad**

Day	Vessel	From:	To:
12 Jan.	ASKOT	Italy - Lisbon - San Juan - Port of Spain - La Guaira - Puerto Cabello - Curacao.	Maracaibo - Kingston - Redelivery.
14 Jan.	TRITON	Amsterdam - Curupano - Curacao.	Puerto Limon - Nassau - Tampa - Mobile - Houston - New Orleans.
14 Jan.	AGAMEMNON	New York - Curacao.	Guanta - Port of Spain - Puerto Sucre - Pampatar - Georgetown - Paramaribo - Tampa - Mobile - Houston - New Orleans.
16 Jan.	O. NASSAU	Kingston - Santiago de Cuba - Port au Prince	Curacao - La Guaira - Port of Spain - Madeira - Europe.
17 Jan.	MEDON	Amsterdam - Curacao	La Guaira - SACPorts - Norfolk - Baltimore - Philadelphia - New York.
18 Jan.	ATTIS	New Orleans - Maracaibo - Lake - Punta Curacao - Philadelphia - New York.	Cardón.
21 Jan.	TELAMON	New York - Philadelphia.	Maracaibo - Guanta - Port of Spain - Puerto Sucre - Curupano - Ciudad Bolivar - Mobile - Houston - New Orleans.

Call: 1777 (three lines) - Oranjestad 5296 or 5496 - San Nicolas



ANULACION DI RIJBEWIJS Y RE-EXAMEN PA CHOFRERAN...

Continuacion di pag. 1
Una vez ta mi traban di averigua e maldad...

a subi masha na anja 1957. E damaan di anulacion sigur tin algu di hasi cu esaki de bez en cuando.

Cu di e total di accidente di trafico den e ultimo cinco anja 13-15% di e casonan e chofernan tabata bau influencia...

E segundo fuente di hopi maldad cu tin awor y cu ta sigui ainda, ta e ociosidad y fastidio di e hubentud...

Aki nos ta duna algun cifra na anja 1956 nan a principi cu kinder en zedenpolitie. Durante e anja ey nan a traha 56 proces-verbaal contra menoran di edad...

huez cu awor ta bai, a trata di sigui otro curso — siguiente bo colega Aleman Holzschuch — pa sentencia e muchanan mas eficiente cu ta posibel...

Ta pa e motibo aki tambe, cu mi a trece esaki — mi experiencia riba e terreno aki y ciertamente tambe esun di senior huez — pa atencion di publico.

Senior president, den e anjanan cu a pasa nos a hanja nos dos cu casonan mas o menos serio. Pa e carino cu bo tabatin pa e persona culpable, pa e opinion husto...

„Pader hudicial refugio den desartolro in-quietante“

Despues cu mr. Eleonora a duna huez Van Gent, na number di e personal di Griffie, e seguridad, cu e cooperacion cu e la duna semper tabata asina agradable...

E tendencia ey ta asina fuerte cu e Hoofd di Landsregeling mester a pone den e Landsbesluit cu tur hende y tambe e Autoridad mester respecta e sentencianan hudical.

bata desagradable pa esnan cu tabata ocasionalmente na poder, pero semper satisfaciendo completamente e derecho di cada ken cu ta sintie amenaza pa e abuso di e poder di Autoridad.

Replica di mr. Van Gent

Den su replica mr. van Gent no a lubida di gradici ningun di esnan cu a traha hunto cu ne. E la gradici mr. Stenfort Kroeze, kende afortunadamente a ser nombra como miembro substituto...

Mas gratitudi pa mr. Eleonora, subst. griffier sra. Palm y señores Szebeek y Mohammed pa tur nan trabounan durante madnan y aparta di esaki.

2000 caso castigable

Tocante su experencianan na Aruba mr. Van Gent ta observa: „E parti di mas chikito, pero e parti mas na bista di nos trabou ta riba terreno di e Sirafrucht. Senior Fiscal bo a cabu di menciona algun cifras tocante esei.“

Antillas Hulandes ta un Estado hoben y e desarollo di e ultimo anjanan tabata hopi biaha tempestuoso. E poder hudicial ta un refugio den e desarollo ey; e por ta manera un roca ora e ciudadano amenaza pa e poder di Autoridad ta busca y hanja apoyo.

CUMPLEANJOS



Sandra Magalin ta cumpli su primer anja y ta ricibi felicitacion di su mama Denisia Martis, rumannan Ussela y Fatima Martis, tantunan Demetria Kosen y Sinona Arends, wela Magdalena Martis, prima y primonnan, especialmente di Rubia Kosen y Susan Arends, madrina Edna Fingal.

Senor, Geraldo y Señora Vernadji-Geerman ta cumpli 38 anja di feliz union matrimonial y ta ricibi felicitacion di nan juman Domingo, Francisca, Thomas y Leoncio, suegro Leoncio y suegranan Agnes y Elisabeth, tur nan nietonan y rumannan, y sobrinanan y demas familia.

Senor Benito Tromp ta ricibi felicitacion di su estimada mama Maria, rumannan Rosa, Julieta, Shon Pe, Callan y Tiling Tromp, swa Jose Tromp, sobrinanan Eddy, Juny, Chideta, Rudy, Lilla, Daatje Tromp, tambe di su amigonan y amiganan di Tanki Flip.

Awe ta celebra su fecha na natal na Bonaire e simpatica y encantadora senjorita Henriette Nicolaas y ta ricibi felicitacion di su tata, mama, rumannan amigonan na Aruba, Alejandrina y Mathilda Tromp, Anna Luisa Wolff, Gilberta Flanegin, Ursula Willems y demas familia y conocirnan.

Ta celebra su feliz cumpleaños e gentil caballero Arcadio Rafael Velasquez y ta ricibi hopi felicitacion di su mama Johanna, 5 rumannan, tanta y omonan primo y primanan, swa, tres estimado sobrinonan Karel, Ronnie y Wimmie Slikker y dos ihanan y tur su amigonan y demas familiarnan.

Un bida largo jen di felicidad ta desce pa e caballero Alejandro Farro, pa parti di su tata Francisco, mama Petra, 8 rumannan, wela Teresa, tanta y omonan, swanan y demas familia.

Ta celebra su fecha natal e hobencita Juliana Basilia Quant y ta ricibi felicitacion di su mama Marcelina, tata Marcelo, rumannan Mario Antonio, Maria, Anna, Rosendo, Hendrik, Jasimo, Modesto, Esteban, Enrique, especial di Nanaohi, Gracy, Freddy, tur su amiganan.

Awe ta cumpli anja e gentil caballero Arcadio Wernet y ta ricibi felicitacion di su mama Catrin, rumannan Grasianna, Mico, Frans, tur su sobrinu y sobrinanan especialmente di su comprometida senjorita Irena Paesch.

E linda hobencita Maria Lucrezia Geerman ta celebra su fecha natal y ta ricibi felicitacion di su mama Catarina, tata Chalie, rumannan Nanaohi y Freddy, madrina Berta Kock, padrinu Mario Quant, wela Chita, wela Felix y Antonio, tur su tanta y omonan, primo y prima, especialmente di Chilea, su juffrouw Nicolina y juffrouw Carmen Croes, tur su amiganan di 2e klas di St. Filomena College na San Nicolas.

Ta cumpli su 24 anja di feliz existencia e simpatica y encantadora senjorita Rosa Jansen y ta ricibi un cordial felicitacion di su estimado tata Rafael, querida mama Loweria, rumannan Billy, Chiya, Nicolaas, Chichi y Leka, su famiganan Corrina Wernet, Marian Thode, Cresta Wernet, Vera Martijn, Erna Thode, muy especial di su tanta Petra Castro y demas familia.

De bez en cuando Nico tabata hini cu verlof foi universidad y tabata bin pasa su verlof cerca nan y tabata como si fuera e rumannan aqui quier a lubida riba e bida quibira.

Riba un dia diripiente un poliz a hini cas cerca Mariana y a bin particope cu su tata tabata hopi malu y tabata desea di combarsa algu cun'e. Mariana a comprende unbez cu esaki tabata fin di un bida di martirio y sufrimientu. El a yega net na tempo pa el a tende ultimo palabranan di su tata muriendo, cu a pidie masha pordon pa su hecho malo y cu a encarge na jama adios p'e na Nico tambe y di pidie Nico na pordone, pasobra e tabata un mal tata, cu a descuida su yinanan y a negliha nan pa e maldita wega di placa.

Y cu esaki nos a yega na fin di historia chempelar, e historia asina tristu cu a pinta nos e fatal consecuencia di maldita wega di placa, pa nos cuminsa majan cu un historia enteramente romantica foi principio te na fin, di un mucha muhe cu yama YVONNE y cu a hantia manera solo, pero pelgoso y enganoso. Su titulo ta: „E Encantadora Yvonne.“

Agenda

ARUBAANSE COURANT diarimente cu excepcion di diadomingo
Diamars 12 di Januari
DE VEER 2.30 „Bon silent, run deep“ Clark Gable 18 J.

CINE
Diamars 12 di Januari
DE VEER 2.30 „Bon silent, run deep“ Clark Gable 18 J.

BOTICA DI WARDA
Oranjestad: BOTICA DEL PUEBLO tel. 1253
San Nicolas: BOTICA SAN LUCAS tel. 5119

WIT-GELE KRUIS
Zr. Perpetua en Zr. Ewaldta 2200

POSTSLUITINGEN
Dinsdag
Caracas 15.30, Curacao 10.00-10.00, Maracaibo 15.30, New York 8.00, Suriname

TAORO - PINEAPPLE juice

RADIO KELKBOOM
Diamars 12 di Januari
11.30 Opening
11.31 Musica Varla
12.00 Lunchmuziek
12.10 Noticias local na Pap.

RADIO VICTORIA
Diamars 12 di Januari
11.30 Aperiura
11.45 E Mundo Felmenio
12.00 Melodias di Merdia
12.15 Ultimas Noticias
12.30 World News
12.45 Concert Hall
1.30 Sign Off
4.00 Musica di Banda
4.15 Ecoman Celestial
4.30 Cafe con Musica
4.45 Waltman Favorito
5.00 Academia del Aire
5.15 Palabranan di Bida
7.00 Noticias Hulandes
7.15 Klasielke Hulandes
7.45 The Bandstand
8.00 World News
8.15 Off the Record
8.30 Back To The Blues
9.00 Musical Gems
9.30 Unshackled
10.15 Hymns That Live
10.30 Sign Off

RADIO CARCAS TELEVISION
Martes 12 de enero
8.20 Marcha Oficial, Himno Nacional
8.25 Informacion Sobre los Programas del Dia
8.30 Pelicula
10.00 El Calendario de Mama
10.10 Cosas de Mujeres
11.15 Femenidades y la Perfecta Ama de Casa
11.58 Informacion Sobre los Programas del Dia
12.00 Gran Show de las 12
1.15 Amalao
1.30 El Imparcial TV
2.00 Cortos
2.30 Club Femenino
3.00 Por el Ojo de la Cerradura
4.00 Estudio d'lector Montevida
4.30 Pelicula
6.00 El Show de Renny
7.15 El Tercer Hombre
7.30 No diga Si, No diga No.
8.00 El Observador Creole
8.15 El Precio de la Vida
8.30 Suspense con Alfred Hitchcock
8.00 La Jaula de Oro
8.15 Cortos
9.30 El Concierto Firestone
10.00 Per el Mundo de la Cultura
10.30 Morir es un Ley
12.00 Marcha oficial
21.58 Goodnight Sweetheart

PA HACI UN regalo pa cumpleaños. PASA NA CARIBBEAN SHOP
Dilanti di A.T.C.

Un surtido NOBO di traha di banjo, escogi' laura ROSE-MARIE REID
na PALAIS ORIENTAL
Oranjestad - San Nicolas

TOT STRAKS IN Trocadero

ODUBER & KAN
E surtido mas grandi den BRIL DI SOLO
ARUBA CURACAO

AIRCONDITION MATHES
comproba como esun di mas capacidad
D: B.T.U. 10.500 te 23.500
Prijs: di fl. 550.— pa riba
Un descuento especial ora bo paga al contado.
MARIO S. ARENDS N.V.

AIR-CONDITION YOUR HOME AND OFFICE!
BO TA SINTIBO OTRO CU AIREACONDICIONADO NA CAS y AIREACONDICIONADO NA OFICINA
Adios calor, adios stof, adios baroto, adios sudor y e ta costa menos di loke bo ta kere
ELMAR

AVENTURA DI MARIANA pa TUYUCHI
Diripiente a pasa algu cu a bin p'oe un termino na tur loque ainda nos por a pensa. Di aleu ya e presentenan por a tende pitonan di sirena...

po pornada, e comisario di poliz a bis'e: „Sr. Duren, larga nos no perde tempo pornada, pasobra oficial di husticia ta warda bo. E tin un y otro di combarsa cu bo.“

Despues di e raad particular, durante cual nan a tene despedida pa Huez van Gent, nan a tene un recepcion chikito. Aki nos ta mira senyor Van Gent y su senjora den conversacion cu senyor T. B. Hector, director di prision na Dakota.

mente pasobra el a gasta tur placa di banco, pero tambe pasobra el a horta placa di overroma, un herencia cu tabata confia na cuenta di notario.

dje, pasobra aqui e pruchanan tabata palpable.

Su maneece e mama a yama e muchanan y tabatin un combarsacion masha emocionante entre mama y yiu tocante loke a socele y e mama a comprende awor numa su deber y a pidie e yunan pa e hini cas trobe y bida percura pa nan.

Despues cu proceso di Duren a termina, y cu el a bin hanja 4 anja di castigo di prision, Mariana a bai traha na pacus y Nico a hanja un chens di por a termina su examen final gratis y asina a socele tambe, pasobra el a hanja su diploma y a bai sigui studia na scol di marina.




EL CISCO KID

E waag ta corre sin hende stuur etc. "Nan a herida e conductor." 2. "Mi ta bai bu-la afor." "No haci esei." 3. "Lagami bai. No tenemi..."



JUAN EL INTREPIDO

JUAN EL INTR... 1. "Bon pensa, Hazard. Mal Hugo nunca por a pensa di hanja Sabina Eden ey nan..."



DICK TRACY

1. "Matty Munkie?" "Si, Lizz t'ami mes." 2. "Bo a jega di tende mi humilicacion? Wel, esei ta loke nan a demostrami hopi." 3. "Bo por perdonami?"



RIP KIRBY

1. "E salon del Toro... segun mi e mester ta un escena di hopi pelea." "Kiko bo ta kere si nos bai y mira su pa-den, Desmond?" 2. "Kiko bo ta desca di tuma, senjor?"



EL PRECIO DEL TRIUNFO

1. "Hoben, cualquiera corporacion cu nan forma aqui, mester incluiho den junta di directivo..." 2. "...Y mi quier pa bo queda encarga cu e administracion..."



EL DIARIO DE UNA VIDA

1. "Bo ta bastante ingenua pa politica, muher? Bo no ta mira cu mi tata quier haci uso di bo pa gana e eleccionnan?" 2. "E tin su vista fija riba presidencia di e republica! Bo a tende!"



PEPITA

1. "Paquico bo ta saca placa for di bo sparpot, Govito?" 2. "Pa cumpra un regalo pa mi novia..." 3. "Bo no mester gasta bo placa pa col loco..."



PROCESO DI ASESINATO



Carole Tregoff i Dr. Bernard Finch ta presentando nan mes den prison na Los Angeles durante e proceso sensacional i nan interrogacion hundredal den e asesinato di su muhe Barbara di 33 anja di edad. Ta mas cu claro cu Carole tabata complice den e asunto di asesinato aqui. Carole a cumpli 23 anja riba dia di Pascu.

Un trein di St Louis - New York a sali foi rails

WELLINGTON, Ohio, 11 januari. — Un trein dje linea St. Louis-New York a sali for di su rails ajera nochi durante un mist na Wellington, estado Ohio, na Merca. Por lo menos 7 hende a muri y 40 hende a hanja herida. 9 coche a kita for dje rails y varios otro a dal cantu di un toren di control.

ta na fabor di un acuerdo cu Merca pa haci experimentacion comun den espacio.

E embahada a bsia asina den un carta dirigi na e miembro democrático di congreso, Victoranfuso, kende a propone na december cerca Krutshof y Eisenhower, pa efectua un tal colaboracion.

Conferencia pa independencia di Congo lo cuminsa e luna aqui

BRUSSEL, 11 januari. — E conferencia di mesa rond tocanete independencia di Congo Belga lo cuminsa na Brusel dia 20 dje luna aki. Lo e worde atende pa representantenan dje partidonan congole, gobierno di Belgica y parlamento belga.

HOROSCOOP di awe

ARIESNAN 21 Maart — 20 April Noticia of correo cu ta vale la pena ta bini pa bo. Traha un plan pa semannan entrante. Mantene bo na bo responsabilidad. TAURINAN 21 April — 21 Mei Mira cu bo n'por haci mejor uso di loke bo tin na bo disposicion. Bo tin chensnan di ganashi di un socio of otro hende. Bon aspecto pa fianza necesario of fia hende. GEMINIANAN 22 Mei — 21 Juni Bo interesnan ta ser mehor sirbi pa medio di cooperacion estrecho cu otronan. Trata parti di tramadia na combersa cu hende cu por yuda bo. CANCERNAN 22 Juni — 23 Juli Traha, salud y asuntonan di servicio por muestra considerablemente hopi mehoracion awor. Trata na yuda chefnan directa y coleganan. LEONAN 24 Juli — 23 Augustus Circunstancianan ta yuda bo a wor na conquista fabornan y desarolla bo interesnan. Bo ta sinti bo libra y pa medio di esei bo por dedica bo mes mas facil na asuntonan interesante. VIRGONAN 24 Augustus — 23 September Traha plan pa mehora cas y oficina. Loque bo ta haci aya ta goza di influencia nan afortunoso. Un of otro asunto por yega na un bon fin. LIBRANAN 24 September — 23 October Para cla pa bo garra e chens cu por presenta pa desarolla bo interesnan door di contact cu familia of hijcijnan. Principalmente a tardi por bira un periodo activo. SCORPIANAN 24 October — 22 November Transitonan favorable ta yuda bo na cosecha exito den negoshi y financia. Tira un bista serio riba bo asuntonan financier. SAGITARUSNAN 23 November — 21 December Muestra awor prueba di iniciativa, y bo por ta sigur cu otronan lo tuma nota di esei. Bo por haci alianza den asuntonan priva y financier. CAPRICORNUSNAN 22 December — 20 Januari Circunstancianan ta yuda bo na termina bo problemaman of tareanan cu ta bao di bo vigilancia. Asuntonan priva principalmente parti di anochi preferencia. ACUARUSNAN 21 Januari — 19 Februari Amistad ta hunga awor un papel principal den bo vida, mescos cu den semannan venidera. Tin chens cu bo entradanan lo ser aumentada. PISES 20 Februari — 20 Maart Pasonan hucioso y asuntonan di deber ta trece bo dilanti na un manera favorable y lo bo goza di a precio bao di bista di bo hefenan.

Proclamacion di gobierno Indio

NUEVA DELHI, 11 januari. — gobierno indio a proclama tur chinas na India, cu no kier cambia nan pasaportenan di China Nacionalista pa pasaportenan di China Comunista, porsonan nan sin patria. Un investigacion di poliz a muestra cu hopi chinas na Calcuta tin pasaporte di gobierno dje Kuomintang (chinesnan nacionalista) ainda. India no ta reconoce e gobierno chinas nacionalista di Formosa.

E personanan cu a worde proclama porsonan sin patria, a hanja permisionan di keda India cu lo ta valido pa 3 luna. Observadonan ta kere cu e permisionan aki lo por worde prolonga di tempu a tempu.

MacMillan a yega Lagos

LAGOS, 11 januari. — E prome ministro di Inglaterra, MacMillan, a yega Lagos, capital di Nigeria, awe tardi, biniendo for di Acera, capital di Ghana.

Nota di misterio Israelita entrega na misterio exterior di Alemania

KEULEN, 11 januari. — E mision israelita na Alemania Occidental a entrega ministerio di asuntonan exterior di Alemania occidental un nota awe, den cual e ta expresa "lamento profundo" di gobierno y pueblo di Israel, di e ola di anti-semitismo na Alemania Occidental y varios otro pais.

Mikhail Menshikof tabatin un entrevista cu Eisenhower

WASHINGTON, 11 januari. — E embahador ruso na Washington, Mikhail Menshikof tabatin un entrevista awe a su mes peticion cu presidente Eisenhower na Casa Blanca. E discusion a dura 20 minuut, y na salida for di Casa Blanca Menshikof a declara pa periodistanan, cu el a duna Eisenhower un mensahe di bon voluntad di Krutshof y tambe e desconfianza dje prome ministro ruso pa anja nobo.

Menshikof a contesta negativo e pregunta, si el a discuti cu Eisenhower e asunto dje experimentacion, cu e profesionan ruso lo haci den Pacifico, cu pakanan pisa, despues di dia 15 dje luna aki. E embahador a bisa cu el a discuti cu Eisenhower su biha na Rusia.

Raul Roa a regresa Cairo trobe

CAIRO, 11 januari. — E ministro cubano di asuntonan exterior, Raul Roa, a regresa pa Cairo awe despues di un bishita di 2 dia na Assuan, na unda el a observa e prome actividadnan den construccion dje dam aja. Majan e ministro lo bai haci un bishita di 2 dia na Damasco, despues cu e regresa pa Cairo lo e tin discusion cu Mahmoud Fawzi, su colega egipcio, pa fortifica e lazonan politico, economico y cultural entre ambos pais.

Anuncio di embahada Ruso na Washington

WASHINGTON, 11 januari. — Embahada ruso na Washington a anuncia, cu prome ministro Krutshof



E surtido mas grandi den BRIL di SOLO Aruba - Curacao

ANULACION DI RIJBEWIJS...

Cont. di pag. 2 grandi, ta worde duna pa delitonan cu tin di haci cu trafico y di e mal uso di alcohol. Mi no por expresa esaki cu claridad, pero mi tin e fuerte impresion cu proporcionalmente mayoria dje accidente di traficonan ta worde cometi pa e ehofernan ey tin esaki como ofishal. Naturalmente nan ta corre henter dia y asina tin mas chens di comete desgracianan, pero toch mi ta kere cu hopi dje accidente nan ayi ta pa falta di des-cuido, y ademas pa falta di conocimiento di reglanan di trafico.

Ta recomendable pa considera pa agrega un stipulacion chiki den e ley na di trafico, cu ta duna e posibilidad cu por anula e rijbewijs di hendenan cu comete cierto delitonan y cu ta obliga nan pa somete nan mes na un otro examen, esta pa e parti teoricamente, pa mira si nan ta suficiente na altura di e reglamentonan di trafico.

E mal uso di alcohol na Aruba, pues ta e dificultad di mas grandi, no solamente pa e estado di embriaguez publico cu ta tuma lugar cu tantu frecuencia, y e sturmento bau di influencia di alcohol, pero tambe cu e ta causa di tantu otro delitonan, cometi pa hendenan, cu nunca lo a comete tal error si nan no tabata bau di influencia di alcohol. Con bon eu e trabau di A.A. ta, toch tin mucho poco di e alcoholista-nan cu ta gosa di e oportunidad aki.

Unicamente riba un faceta di mal uso di alcohol mi kier hala atencion e biaha aki, esta cu mi ta bau dje impresion cu e uso di alcohol entre e hendenan ta aumentando. Un control mas severo, pa evita cu e hobennan aki worde admiti na ocasionnan na unda ta worde obtene alcohol, tabata deseable. Tambe mayornan mi kier spierta na e lugar aki, pa nan evita tantu posibel cu nan jinan lo hanja oportunidad di tuma alcohol.

E criminalidad hubenil mes na Aruba ta un dificultad cu ta aumenta tambe. Mas y mas hoben, cu ta kita for di school, y cu no ta hanja oportunidad pa hanja empleo, y cu no sa kiko hasi cu nan tempo liber, ta comete tur clase di maldad. Pesei m'a keda sumamente satisficho di tende di Bestuurs-college cu nan proyectonan ta hopi avanza caba den nan preparacionnan pa elimina e hubentud tantu posibel for di calla y ademas ta ofrece nan oportunidad pa sinja algu cu lo ta util pa nan futuro. Mi ta desear cu e accionnan aki lo ser corona di exito.

"E parti mas grandi, pero menos espectacular ta e parti di tarea di un huez cu ta keda den terreno di derecho civil. Pa anja mas di 1200 asunto den e ramo aki ta worde trata cobranzanan di placa cu ta varia di un par di diez florin te miles di florin."

Ta pidi pa mehor entendimiento na balie

"Un bon justicia ta imposibel si e Huez no por conta completamente e informacionnan completo y competente. Esaki ta e encargo principal di abogado. Naturalmente ta agradable pa un abogado si e gana un caso, pero e mester keda na segunda lugar. Punto principal ta cu e coopera pa un sententia justifica. E servicialidad pa justicia por cierto m'a nota aki na Aruba na e balie y mi ta spera cu esaki semper lo keda asina, pero tambe mi ta spera pa un mihor entendimiento mutuo na e balie."

"E notarianan mi ta gradici pa nan disposicion pa coopera pa termina asunto di reparticion di herencia cu tin anjanan pendiente. E defecto aki no solamente ta un peliger pa garantia pero ademas den hopi caso contra fabor di e personan menos edad cu ta envolbe den e asuntonan ayi. Por ultimo dirigiendo palabra na su sucesor mr. Bondam, mr. Van Gent y bisa entre otro:

"Colega Bondam, mi ta entregando na bo bunita pero encargo grandi di Huez den Promer Instancia na Aruba, mi ta desear bo hucio y fortaleza. Mi ta sigur, cu tur esnan cu semper a duna mi nan cooperacion lo hasi mescos pa bo, pero ser manera un roca firme den olandan, pa sobra na Aruba esaki tin biaha ta ta fuerte y severo, riba cual tur hende cu ta den dificultad por confia. Corda semper cu Justicia ta ciego cu ta duna su sentencianan sin consideracion di persona. Aruba tambe ta spera esaki, ta sirbi como testigu cu nunca Huez ta hanja invitacion pa cualquier sucesoran oficial di misionan, di industria of comercial.

Desde antiguo tur hende sa cu Huez lo duna su decision justifica independiente di invitacionnan, cu e por hanja di un of otro parti."

Durante e recepcion chikito cu tabatin despues dje raad particular aki sria. Palm a ofrece na mr. Van Gent na number di Parket di griffie, di deurwardernan, di voogdijraad, di interpretadornan, directiva di prison y mr. Steffert Kroeze un par di bunita regalo in excelente radio portatil y un sigarettenkoker di plata como prueba di apreciacion. Segun reaccion e gesto in espera aki a worde altamente aprecia pa mr. Van Gent y su esposa.

Petrona & Croes Dakota - tel. 1712-1639 Madera di tur sorto y den tur midi.